



BEIZAMAKO UDALA
(GIPUZKOA)

NIK, BITTOR AGIRREURRETA MURGIAK, BEIZAMAKO UDALEKO IDAZKARIAK

ZIURTATZEN DUT

Nire ardurapeko Idazkaritzan dagoen dokumentazioa aztertu ondoren, Beizamako udalbatza plenoak, 2010eko otsailaren 8an egindako premiazko ezohiko bilkuran, beste batzuen artean, honako erabaki hau hartu zuela, korporazioa osatzen duten kideen gehiengo absolutuarekin:

“ONARTZEA, BADAGOKIO, BEIZAMAKO “OSTATU ZAHARRA” TABERNAREN USTIAPEN ESKUBIDEAREN BEHIN-BEHINEKO ESLEIPENA EGITEA.

Ikusirik, Beizamako udalbatza plenoak, 2009ko urtarrilaren 19an egindako bilkuran, besteak beste, herri honetako Ostatu Zaharra Tabernaren (eta -aukeran-, honi dagokion etxebizitza eta udal aterpetxea) ustiatzeko emakida administratiboaren erregimenean kontratazio-espedita onartu eta hura esleitzeko lizitazio-jardunbideari hasiera ematea erabaki zuela.

Lizitazio-iragarkia 2009ko martxoaren 4an argitaratu zen Gipuzkoako Aldizkari Ofizialean, lehiakidek beren proposamenak aurkez zituzten. Inolako proposamenik jaso ezenez, lizitazio hau hutsik deklaratu zuen 2009ko apirilaren 29n egindako udalbatzak.

Ikusirik, Udalak interesa duela Beizamako Ostatu Zaharra tabernaren ustiapen eskubidea esleitzeko, honek herrian betetzen duen xedea funtsezkoa deritzolarik.

Ikusirik, Beizamako ostatu-zaharrak, ostalaritza ekipamendua izateaz gain, zerbitzu publiko izaera duela eta zentzu honetan, ostatuak, alde batetik, nagusiki herritarren zerbitzuarekin lotura duela, eta bestetik, Udalak sustaturiko jardueren azpiegitura lagungarria izango dela, Udalak hala erabakiz gero.

Ikusirik, Udal honetako Ezohiko Osoko Bilkurak 2010eko urtarrilaren 18an egindako batzarrean erabaki zuela, besteen artean, Beizamako Ostatu Zaharra ustiatzeko eskubidearen emakida Administrazio kontratu bereziaren bidez egiteko espeditari hasiera ematea, jardunbide negoziatu eta publizitaterik gabekoaren bidez; era berean, aipatutako jardunbidea arautuko duten Baldintza Administrazio, Ekonomiko eta Juridikoen Orriak onartu zituen.

Ikusirik, kontratazio mahaiaren akta.

Kontuan hartuz, besteen artean, urriaren 30eko 30/2001 Legeak, Sektore Publikoko Kontratuak arautzen dituenak eta apirilaren 2ko 7/85 Legeak, Toki-Araubidearen Oinarriak arautzen dituenak, 22.1.artikuluaren xedatutakoa, Udalbatzak, bertan daudenek aho batez harturiko erabakiarekin, ondokoa erabakitzen dute:

Lehena.- Kontratazio mahaiaren erabaki proposamena berea egitea eta Idoia Urtuzaga Otaegiri eta Janire Ugartemendia Urtuzagari esleitzea Beizamako “ostatu zaharra” taberna-jatetxearen ustiapen eskubiderako kontratu berezia, behin behineko izaeraz, beraiek aurkeztutako proposamenean oinarrituz.

Bigarrena.- Errekeritzea erabaki honen berri izan ondoren, 15 laneguneko epean,



BEIZAMA KO UDALA
(GIPUZKOA)

espedientera ondoko hauek ekartzeko: EJZn alta eman izanaren egiaztagiria; behin betiko bermea eratu izanaren egiaztagiria; eta autonomo eraentzan alta eman izanaren egiaztagiria.

Hirugarrena.- Nahiz eta oraindik behin-behineko esleipena besterik ez izan, Ostatu Zaharreko eta etxebizitzako giltzak lagatzea, zerbitzuaren irekierarako beharrezkoak diren prestakuntza lanak aurrera eraman ahal izateko, era honetan, zerbitzua abian jartzea erraztuko baita.

Laugarrena.- Azpimarratzea, giltzen lagapenak egiteak ez duela adierazten ez behin betiko esleipena egin zaientik, ez kontratua sinatu denik.

Bosgarrena.- Interesdunei jakinaraztea dagozkion iragarkiak jarritz.

Seigarrena.- Hamabost lanegun igaro ondoren honakoaren jakinerazpenaren biharamunetik kontaktzen hasita eta, esleipendunek, eskatutako dokumentazio eta baldintza guztiak bete badituzte, esleipena behin betikoa bihurtuko da gainontzeko egintzaren beharrik gabe.

Zazpigarrena.- Esleipena behin-betikoa bihurtu ondorengo 10 lanegunen barruan, esleipena formalizatuko duen kontratua sinatzea.

Zortzigarrena.- Alkatea eskuordetzea dagozkion kontratua eta beharrezkoak diren izapideak aurrera eramateko sinatu beharko diren dokumentuak sinatzeko.

Bederatzigarrena.- Esleipendunari dagozkion iragarki gastuak ordainaraztea."

Honela jaso gera dadin, eta behar den lekuan ondorio egokiak sor ditzan, ziurtagiri hau luzatu eta izenpetzen dut, Beizaman, bi mila eta hamarreko otsailaren bederatzian.